

Broj: 01-02-1042- 88 /17  
Sarajevo, 30. 01. 2018. god.

U-062/18  
30. 11  
18.

**UDRUŽENJE POSLODAVACA FBiH**  
N/r g. Adnan Smailbegović, predsjednik Upravnog odbora  
Mula Mustafe Bašeskije 12/3  
Sarajevo  
Faks: 033 552 461

**SAVEZ SAMOSTALNIH SINDIKATA BOSNE I HERCEGOVINE**  
N/r g. Ismet Bajramović, predsjednik  
Obala Kulina bana 2  
Sarajevo  
Faks: 033 226 171

**Predmet:** Inicijativa za unapređenje rada ESV FBiH

Poštovani,

Obavještavamo vas da je Vlada FBiH, u kontekstu socijalnog dijaloga za pripremu Zakona o Ekonomsko-socijalnom vijeću (ESV) FBiH, na 133. sjednici, održanoj 7. 12. 2017. godine, razmatrala inicijativu za izmjene Sporazuma o uspostavi ESV FBiH i Poslovnika o radu ESV FBiH i donijela odgovarajuće zaključke. Inicijativa ima za cilj da se, u skladu sa Zakonom o radu, najprije uđe u proces zaključivanja ili izmjena Sporazuma o uspostavi ESV, kao temeljnog dokumenta, što bi, po mišljenju Vlade, omogućilo kvalitetniju pripremu Zakona o ESV FBiH. S obzirom da je u toku dosadašnjeg rada ESV FBiH uočen niz nedostataka u načinu rada ovog tijela, Vlada cijeni da je nužno izvršiti odgovarajuća unapređenja u propisima koji reguliraju rad ESV FBiH.

S tim u vezi, Vlada FBiH predlaže socijalnim partnerima da razmotre sljedeće prijedloge:

- da se, slično sadašnjim rješenjima, precizira pojam i sadržina redovnih, odnosno vanrednih sjednica ESV FBiH, s tim da se redovne sjednice održavaju kvartalno, uz mogućnost održavanja vanrednih sjednica kada se po tom pitanju usaglase socijalni partneri;
- da se, shodno prirodi ESV FBiH kao savjetodavnog tijela, na sjednicama umjesto zaključaka usvajaju preporuke;
- da se umjesto izbora predsjednika uvede izbor predsjedavajućeg ESV, tako što bi se isti birao na period od šest mjeseci iz reda jednog od socijalnih partnera, naizmjenično, a na prijedlog svakog od socijalnih partnera;
- da se preciziraju obaveze druga dva socijalna partnera u pogledu davanja podrške za rad ESV FBiH;
- da se formalizira i uredi rad Kolegija ESV FBiH, posebno u segmentu utvrđivanja dnevnog reda i sazivanja sjednica ESV;

- da se uvede institut zamjenika člana ESV FBiH ili davanje ovlaštenja osobi za učešće na sjednicama sa pravom glasa;
- da se unaprijedi način informiranja javnosti o aktivnostima ESV;
- da svaki socijalni partner uredi i, ako odluči da je potrebno, osigura naknade za učešće u radu ESV FBiH iz svojih sredstava.


Smatramo da je realizacija ove inicijative veoma važna za unapređenje socijalnog dijaloga, ali je isto tako važna da se osigura da rad ESV bude uređen na način koji neće biti u suprotnosti sa aktima koji reguliraju rad svakog od socijalnih partnera, a u ovom konkretnom slučaju Vlade FBiH.

Podrazumijeva se da se rasprava o ovoj inicijativi može voditi i finalizirati na sjednici ESV, međutim, u ovoj fazi potrebno je da nas informirate da li prihvatate inicijativu i da dostavite mišljenje o pojedinim prijedlozima iznesenim u ovom pismu u što je moguće kraćem roku.

Kao što vam je poznato, ovlašteni predstavnik Vlade FBiH za prezentaciju ove inicijative već je imao konzultativne sastanke s vašim predstavnicima, na kojima su prezentirani prijedlozi Vlade FBiH. Ukoliko smatrate potrebnim, g. Zlatko Hurić je na raspolaganju da se obave i dodatne konsultacije.

S poštovanjem,

PREMIJER



Fadil Novalić

Kopija:

FEDERALNO MINISTARSTVO RADA I SOCIJALNE POLITIKE  
N/r G. Vesko Drljača, ministar